

TANJONA

- Mamantatra ny fototeny ary manavaka izany.

LESONA HOTADIDIANA

Famaritana:

Ny teny faran'izay tsotra indrindra misy heviny, tsy ahitana teny niaviany intsony, ary azo amoronana teny hafa, dia antsoina hoe fototeny.

Ny feo indray manonona dia antsoina hoe vaninteny. Izay vaninteny iray tononina mafy no mitondra ny tsindrim-peo. Misy telo ny endriky ny fototeny:

- Mitsatoka: teny mivany tokana, mitondra tsindrim-peo.
 - Mingadona: teny mivany roan a mihoatra, ka ny vaniny faharoa avy any amin'ny farany no mitondra ny tsindrim-peo.
 - Mitsaikona: teny mivany telo na mihoatra, ka ny vaniny fahatelo avy any amin'ny farany no mitondra ny tsindrim-peo.
- Marihina fa miafara mandrakariva amin'ny ka-, tra-, na- ireo teny mitsaikona ireo.

Paika hamantarana ny endriky ny fototeny:

Avahana ny vaninteny ao anatiny, lazaina ny isany.

Fantarina avy eo ny laharann'y vaninteny mitondra ny tsindrim-peo.

Lazaina ny endriky ny fototeny na: mitsatoka, na mingadona na mitsaikona.

Sahanasa 1

- 1- Lazao raha teny tsootra tsy manana teny hafa niaviany intsony ireto: sosa , lavaka
- 2- Mety amoronana teny hafa ve izy ireo? Manomeza ohatra.
- 3- Lazao hoe misy vaninteny firy avy ireto fototeny ireto: arika, tapaka, joro, rava, zo, toto, sakana,
- 4- Apetraho ny tsindrim-peo.
- 5- Lazao ny laharany:
- 6- Omeo ny endrik'ireo fototeny ireo:

Sahanasa 2

- 1- Tadiavo ny fototeny isaky ny teny izay atolotra eto: Mandratra, sarihana, lena, Mankato
- 2- Amorony teny telo hafa avy izy tsirairay, raha mety.
- 3- Lahaharana fahafiry avy any amin'ny farany amin'ireo vaninteny no mitondra ny tsindrim-peo?
- 4- Atambaro àry izay fototeny mitsatoka, ny mingadona, ary ny mitsaikona amin'ireo.

Sahanasa 3

- 1- Lazao ny fototeny iombonan'ireto teny ireto Tarafina, mitaratra, fitarafana, mifampitaratra Miasa, asaina, fiasana, mampiasa, fiasa
- 2- Mitadiava :
 - Fototeny mitsatoka efatra
 - Fototeny mingadona efatra
 - Fototeny mitsaikona efatra